



Universitätsbibliothek Paderborn

**Symbola Trinitatis, Id Est Trinitatis diversarum rerum, ex
Veteris ac Novi Testamenti Scripturis, Historijs &
exemplis; nec non congruentioribus rerum naturalium
similitudinibus conscripta ...**

Duplan, Theodore

Ruraemundae, 1663

Syllabus Libri

urn:nbn:de:hbz:466:1-12221

SYLLABUS LIBRI

UT clarius contentum, undeque libri intentum percipiatis, Lectores mei, placuit rem tractatam & modum procedendi, cum motivis causis poësim scribendi hic breviter appendere. Rem tractatam seu materiam indicat titulus ipse: Symbola Trinitatis &c.

Modū procedendi observavi, quem commendat Legislator noster S. August. lib. 1. de Trinit. primō ex veteris & novi testamenti scripturis, deinde exemplis & historijs maxime sacris, denique ex rerum natura līum similitudinibus symbola adducens.

Et quia Sanctiss. Trinitas novellam gloriam labor spectat & exspectat; hinc in omnibus introducere atque exprimere trinitatem sategi. Ideoque tres partes sive divisiones principales, & ad eundem modum tres subdivisiones sunt factæ, & sic omnia alia consequenter in triade fundantur.

Si forte reprehensionem incurram, quod Poësim pro re tam ueneranda sim sectatus, utpote (ut fors quidam putant,) non sat commendabilem; contra statuere possem id, quod Aristoteles in Poëticis afferit. Poësim Sapientiorem ac præstantiorem esse historiā. Sed pro Poësi Apologiam scribere mens non est, prout nec Poëtarum me albo inferere. Rationem autem Seneca sum secutus inquietis: Quapropter illos præcipue rei Grammaticæ scriptores probare soleo, qui carmine Regulas complexi, puerorum eo pacto memoriam sublevant. Carmen namque memoriae valde conductit, dum facilius singula insidunt circum scripta & carminis modo inclusa. Ne tamen dumtaxat pueris, sed & provectionib⁹ operam navasse videri queam, Symbola ex omni scibili conquisiui.

Edūverso autem Poëtices genere elegi elegos, qui olim lacrymabiles & flebiles n Poëtis perpetuis epithetis appellabantur; postea tamen etiam alijs materijs servire cœperunt, ut testatur Horatius de arte Poëticâ sic scribens:

Versibus imparibus junctis querimonia primū,

Post etiam inclusa est voti sententia compos.

*Unde sicut modò heroicis metris in gestis Herorum decantandis, sic in amatorijs & ijs quæ homines sollicitant elegiacis versibus, ut pose, maximè lenibus, & minimè assurgentibus inoffensis, uitimur. Scopus verò noster est pius quidam amor, ad quem mortaliū corda sollicitamus; pusa inter adorandæ Trinitatis maiorem cultum & venerationem: ad hoc namque me, ceu occultis vinculis, atque catenis per trahi sentio, dum titulum Directoris Archiconfraternitatis Sanctiss. Trinitatis de Redemp-
tione Captivorum &c. in sacrâ nostrâ æde Moscensi ab anno 1650. erectæ, præmefero; ita ut titulum sine re, nomen si- ne omnię (ut aiunt) me habere, ac consequentur nefas & irdi- gne agere judicare me, si non in aliquo eundem cultum, mihi vi- derer promovere.*

*De eruditione, atque stylo scriptionis parum labore, defec-
tum utriusque, intenti pietas (ringantur malevoli) facile supple-
bit. De ordine non sum sollicitus, quandoquidem S. P. N. Au-
gustinum sequi malui, quam alium, cuius doctrina etiam per-
mitti posset. Cui multiplicatio Symbolorum videbitur gravis, li-
cebit, quot volet, relinquere. Qui plura desiderabit ei integrum
erit eadem addere, nec invidus, sed libens voto eius subscribam.
Si mendum aliquod quis offendat, a quo vix illa scripta libera
omnino sunt, inhumanius ne sit, veniam mihi nec denegabit.*